



Krizni štab Ministarstva zdravstva, rada i socijalne politike Unsko-sanskog kantona

Krizni štab Ministarstva zdravstva, rada i socijalne politike Unsko-sanskog kantona, u cilju daljnjeg praćenja situacije i poduzimanja mjera radi sprječavanja i ranog otkrivanja eventualnog slučaja bolesti izazvane novim koronavirusom (COVID -19), koja je Zaključkom Vlade Federacije BiH, V. broj 164/2020 od 31.01.2020. godine proglašena zaraznom bolešću čije je sprječavanje i suzbijanje od interesa za Federaciju BiH, u skladu sa Zakonom o zaštiti stanovništva od zaraznih bolesti ("Službene novine Federacije BiH", broj 29/05), analizirajući situaciju na području Unsko-sanskog kantona, uzimajući posebno u obzir Naredbu o proglašenju epidemije zarazne bolesti COVID-19 ("Službene novine Federacije BiH", broj 48/20), zaključke Operativne grupe za koordiniranje aktivnosti i nadzora nad migrantskom krizom na području USK, te povećan broj migranata na području USK, u skladu sa odredbama Pravilnika o organizaciji i načinu rada Kriznog štaba Federalnog ministarstva ("Službene novine Federacije BiH", broj 10/12), na 37.sjednici održanoj dana 19.08.2020. godine, donio je sljedeću:

N A R E D B U

I

Zabranjuje se kretanje i izlazak migranata izvan privremenih prihvatnih centara na području Unsko-sanskog kantona, kao i svaki drugi vid kretanja migranata na području Unsko-sanskog kantona .

ROK. Odmah.

II

Nalaže se hitno izmještanje migranata koji se nalaze na ulicama, napuštenim objektima, privatnim smještajima i drugim mjestima, van naseljenih područja Unsko-sanskog kantona.

ROK: Odmah

III

Zabranjuje se svaka vrsta prevoza migranata svim prevoznim sredstvima: talgo voz, autobusi, kombi vozila, taxi vozila i drugo, prema Unsko- sanskom kantonu, kao i prevoz na području Unsko-sanskog kantona. Osim prevoznim sredstvima, zabranjuje se ulazak migranata koji idu pješice, na područje Unsko-sanskog kantona.

ROK: Odmah.

IV

Zabranjuje se smještaj (pružanje usluga smještaja) migranata u sve vrste smještajnih jedinica na području Unsko-sanskog kantona: hoteli, moteli, apatmani, kuće za odmor, vikendice, individualni stambeni objekti (stanovi, kuće) i drugo.

ROK: Odmah.

V

Nalaže se Kantonalnoj upravi za inspekcijske poslove da, u saradnji sa Ministarstvom unutrašnjih poslova (policijskim službenicima Uprave policije USK), izvrše hitno inspekcijske nadzore kod subjekata koji pružaju usluge smještaja migrantima, kao i da u potpunosti obezbijede provođenje ove naredbe, svako u okviru svoje nadležnosti.

ROK: Odmah.

VI

Sve zabrane i ograničenja iz ove Naredbe, primjenjivat će se do njihovog ukidanja.

VII

Ovom naredbom zamjenjuje se Naredba broj: 09-33- 10234-1 /20 od 19.08.2020.godine.

VIII

Ova naredba stupa na snagu danom donošenja i objavit će se na WEB stranici Vlade USK.

Broj: 09-33- 10234-2 /20
Bihać, 19.08.2020.godine



Predsjednica Kriznog štaba MZRSP USK
Ministrica
dr.sci.prim.Nermina Čemalović